

**MODEL CODE OF CONDUCT
FOR ELECTION CONDUCTED BY
STATE ELECTION COMMISSION,
MIZORAM**

2025



**STATE ELECTION COMMISSION
MIZORAM**

© State Election Commission, Mizoram, 2025

Issued by the State Election Commission, Mizoram
4th Floor, Old Secretariat Building-II, Treasury Square,
Aizawl, Mizoram - 796001

State Election Commissioner

(: 0389-2300180 (O)

Secretary, State Election Commission

(: 0389-2300380 (O),

Deputy Secretary, State Election Commission

(: 0389-2300475 (O).

IX. SILENT PERIOD: Vote thlak tawp hun darkar bi tuk atanga chhiar leta darkar 48 huam chhung hi, mipui (voter) ten chim buai loh leh rilru fim taka duhthlanna an siam theih nan Silent Period atana puan a ni. Silent Period chhung hian hengte hi kalpui tur a ni:

1. Inthlan kaihhnawih lam chi campaign reng reng tih tawp vek tur a ni.
2. Silent Period chhungin Political Campaigner zawng zawng, constituency huam chhunga vote nei lote chuan constituency an chhuahsan vek tur a ni.
3. Silent Period chhung hian sawrkar leh a agency te kal tlanga tanpuina lam chi reng reng, MCC Chapter 8, Code No 12 a inziak te tiamin pek chhuah rih loh tur a ni.
4. Silent Period chhung hian au rinna lam chi reng reng hman phal a ni lo a. Mipui vantlang pawipang; chhiat ni –that ni leh mipui nun nghawng thil bik leh inthlan kaihhnawih a vantlang hriat tur Official-te hriattirna te bak au rinna hmanga puan phal a ni lo.

X. MCC Chungchang Complain theluh dan tur: MCC bawhchhiatna chungchang thu thlen duh nei chuan District Election Officer/District Magistrate emaw bialtu Sector Officer/ Sector Magistrate hnenah thlen tur a ni. District Election Officer leh Sector Magistrate ten an tana rel fel remchang lo leh thuneitu sang zawka thlen ngai thil an neih chuan SEC-in an ai awh atana a ruat, Election Observer te hnenah an thlen ang a, Election Observer ten a tul an tih dan a zirin an en fel emaw SEC-ah emaw an thlen thei ang.

[MCC updated on 14th January, 2025]

- o0o -

chuan heng Schemes-a hman tur sum tih chhuah emaw puan chhuah emaw khap tlat a ni. Hei hian Corporators Ward Fund, Councillors Ward Fund leh MDC te Fund pawh a huam a ni.

- c) **Village Council leh Local Council Fund**: Heng Village Council leh Local Council te'n sawrkar atanga sum an dawn hmanga hna thar siam leh hnathawh tur ruahmanna thar siam phal a ni lo. Hei hian hnathawh kal lai leh anmahni inenkawlina tur bik atana pawisa hman te a huam lo ang.
- d) **Sawrkar ding lai Scheme**: Sawrkar ding lai scheme dawng thei tur te thlan loh tur a ni a, thlan sate hnenah pawh eng mah sem rih loh tur a ni. Model Code of Conduct hman chhung chuan heng scheme chungchanga training emaw campaign emaw en dik emaw tih rih loh bawk tur a ni. Thil pawimawh leh lian tham, mipui vantlang tana tul bik thil a awm a nih chuan SEC phalna lak tur a ni.
- e) **In sak tanpuina** : Sawrkar hma laknaa in sakna tur tanpuina dawngte sum lo pek chhuah mek, sak hna tan tawhte chu inkaihhruaina an neih dung zuiin pek chhuah zawm zel phal a ni. In sak thar leh tanpuina pek thar leh tanpuina dawng tur thar (*new beneficiary*) thlan erawh chu Model Code of Conduct hman chhung chu khap a ni.
- f) **Land Revenue & Settlement Deptt / Site Allotment Advisory Board/ Local Council/Village Council-te'n** In hmun leh ram pek emaw recommend emaw an ti tur a ni lo. Hei hian dilna awm sa tehsak (survey) a huam lo ang.

Heng khuahkhirhnate hian hna tul leh hmanhmawh bik chhawmdawlina lam kaihhruwih Sawrkar laipui Relief Scheme-National Disaster Response Fund (NDRF) leh State Disaster Response Fund (SDRF) te chu a huam lo ang.

A chung Bung VIII Para 13-ah hian Scheme-te chipchiar taka tar lan sen vek a nih loh avangin a hlawm lian deuhte entirna'na tar lan mai a ni. Chuvang chuan he Para 13-na hian heng Scheme zawng zawngte hi a huam vek tho a ni.

MODEL CODE OF CONDUCT FOR THE GUIDANCE OF POLITICAL PARTIES AND CANDIDATES

- I. **THUHMAHRUAI** : Model Code of Conduct (MCC) hi sawrkar hnathawh kal lai tih thuanawp leh tih bahlahna tur atana siam a ni lo a. Sawrkar hna leh hmasawanna te kal reng chung si-a political party tin; *sawrkar lai* leh *opposition* lam te pawhin tanhmun inang (Level Playing Field) neia inthlan an hmachhawn theih nan te, sawrkar bungraw hmanga sawrkarna chelh mektu party-in an party tana tanhmun remchang bik an insiam loh nan tea siam a ni. MCC kenkawh a nih lai pawhin sawrkar hna enkawltu (Govt machinery/Govt officials) ten hna kal lai, MCC-in a khap loh chu khaihlak awm lovin kalpui reng an tum zawk tur a ni.
 - 1. (a) He Model Code of Conduct hi State Election Commission, Mizoram hnuiaia Inthlanna zawng zawngah hman a ni ang.
 - (b) He Model Code of Conduct hian hengte hi a huam ang :
 - (i) Political Party
 - (ii) Inthlanna ding
 - (iii) Minister
 - (iv) MP/MLA
 - (v) CEM/EM/MDC/MSHC
 - (vi) Municipal Corporator / Councillor
 - (vii) Local Council/ Village Council Member
 - (viii) Inthlanna atana campaign-a inhnawih mipui rawngbawltute.
 - 2. He Model Code of Conduct hian Mizorama chhunga State Election Commission-in inthlan a puan District leh khua te a huam ang. Hman hun tur chu SEC-in a puang thin ang.

II. KAIHHRUAINA TLANGPUI

Mi tu mahin hengte hi an ti tur a ni lo:-

(a) Chi leh chi, inhuatna chawh chhuah;

(b) **Inthlanna lam dan bawhchhiatna awm thei**: The Mizoram Prevention of Defacement of Property Act 1995 leh dan dang, chumi dan thuneihnain a huam chhunga inthlan a nihin chung danin dan bawhchhiatna ni-a a sawite chu:-

- *The Mizoram Municipalities (Election of Councillors) Rules, 2007*
 - *The Mizoram Municipalities (Election to Local Councils) Rules, 2015*
 - *The Mizoram (Election to Village Councils) Rules, 2014*
 - *The Chakma/Lai/Mara Autonomous District Council (Constitution, conduct of Business, etc) Rules*
 - *The Chakma/Lai/Mara Autonomous District Council (Election to Village Councils) Rules*
 - *The Mizoram (Election to Sinlung Hills) Rules, 2019*
- (c) Khingpuite leh party hruaitute mi mal nun, mipui rawngbawlna lam nena inkaihnnawih ni si lo, insawi chhiatna;
- (d) Vote duhna avangin sakhua bik emaw hnam bil bik emaw inhuatna chawh chhuah;
- (e) Sakhaw biakna hmunte, campaign/mahni party sawi mawina atana hman;
- (f) Sum leh pai hmanga inthamna te, invau te, mi lema chan te, polling station atanga meter 100 bial chhunga lamtanga siam tura campaign te, Vote thlak tawp hun bi tuk atanga chhiar leta darkar 48 huam chhunga campaign;
- (g) *Candidate leh Political Party ten vote thlaktu turte kal lam leh haw lam motor-a phurh. [Hei hian mimal mahni motor a kalte leh damlo leh tar chaklo, an chhungten anmahni lirthei hmanga an hruai emaw District Election Officer / District Municipal Election Officer in phalna a pekte a huam lo ang].*
- (h) Mi mal in bula lungawi lohna lantir leh indan;
- (i) Khingpuite inhmu khawm emaw kawng zawh emaw thil dang eng emaw an tih, ti buai zawnga awm;
- (j) Sum leh pai hmanga voter-te thlem leh *inlei*

- 8) Hmasawna hnathawhna tur lam chi reng reng Tender chhuah leh hawn loh tur a ni.
- 9) Sawrkar hna thawh lam chawi larna (Advertisement) reng reng Sawrkar sum hmanga Chanchinbuah leh T.V. bakah *audio & visual* lam chi hmanga tar lan phal a ni lo.
- 10) Sawrkar hna thar (*a nghet leh nghet lo*) lak phal a ni lo a, chawlh rih tur a ni. Hei hian sawrkar thuneihna Company, Corporation, Board leh a dangte pawh a huam vek a ni. Amaherawh chu, hei hian, Constitution of India hmanga din Public Service Commission hnuai hna lak te a huam lo ang.
- 11) Hun rei vak lo chhung atan pawh ni se, Sawrkar-ah emaw Sawrkar thu neihna eng thilah pawh hna thar lak rih loh tur a ni. Sawrkar kal phung pangngaia sawrkar hnathawkte kaisanna (promotion) chu kalpui theih a ni ang.
- 12) Sawrkar atanga tanpuina lam chi reng reng pek chhuah rih loh tur a ni. Hei hian sawrkar hnathawh leh mimal chanvo neih sa (*personal claim entitlement*) bakah *compensation* te a huam lo ang a, Silent Period chhungah chuan hengte pawh hi chawlh tur a ni.
- 13) Inthlanna huam chhungah sawrkar hotu [Ministers etc] ten inthlan campagn leh official kaihnnawih (*official tour*) programme an chawhpawlh tur a ni lo.
- 14) Ruahmanna thar lam hawi reng reng puan chhuah rih loh tur a ni a. A hnuai scheme leh programme-ah te hetiang hian khuahkhirhate hi siam a ni.
- a) MGNREGS:** Job card hmanga mipui inhlawhna (*Wage Component*) thawh chhonzawm zel tur a ni ang a. Material Component hnuai hna thar bul tan erawh phal a ni lo. Tul bik thil a awm a nih chuan bialtu District Election Officer kal tlingin SEC-ah dil tur a ni ang.
- b) MPLADS, MLALADS, etc.:** Hengah te hian hna kal lai thawh chhonzawm phal a ni. Amaherawhchu, hnathawhna tura work order chhuah tawh hna la tan hman lo chuan an hna an tan rih tur a ni lo. Model Code of Conduct hman a nih chhung

- 1) Sawrkar motor leh bungrua reng reng inthlanna kaihhnawihah hman loh tur a ni. Hei hian inthlan kaihhnawih-a official-te chet velna a huam lo. Chief Minister, Speaker leh Deputy Speaker, Ministers (Minister of State telin) leh Opposition Leader te chu vote thlak tura an kalin, security thil avangin sawrkar motor-a an kal phalsak a ni a. Amaherawhchu, vote thlak tura an kalin Polling Station area emaw Polling Station atanga metre 100 emaw, a pahniha a zau zawk zawk huam chhungah lirtheiin an kal tur a ni lo a. An kalkawngah pawh an chuanna lirthei bak, mipui hip thei zawnga lirthei danga inzui phal a ni lo.
- 2) State Election Commission-in inthlan a puan tawh chuan hmasawna lam hawia bul tanna'na lung phum leh policy thar puan te, thawh zawh tawh hawna emaw chutiang lam kaihhnawih hawna inkhawm buatsaihah an tel tur a ni lo. Hetiang lam hawi ni lo, mipui pun khawmnaa an tel pawhin *Political Campaign*-na lam hawi an sawi tur a ni lo.
- 3) Minister, Member of Parliament, Member of Legislative Assembly, EM, Member of District Council, Member of Sinlung Hills Council, Corporator/Councillor, thu neitu dang leh Political mi leh sa reng rengin sum hmanga tanpuina emaw hmasawna lam thil an pe chhuak tur a ni lo.
- 4) He inthlanna Official leh Candidate/Election Agent an nih loh chuan, leh chumi Polling Booth-a voter an nih loha phalna bik pek an nih baw si loh chuan Polling Booth chhungah emaw Counting Hall chhungah emaw an lut thei lo.
- 5) Sawrkar hna thawk emaw Sawrkar lam kaihhnawih thil reng reng sawrkar lai Political Party hruaitute'n inthlanna lam kaihhnawihah an hmang tur a ni lo. Election puan a nih atangin sawrkar hnathawk, inthlan leh a kaihhnawiha a chhawr te sawn kual (transfer & posting) phal a ni lo. Tul bik thilah chuan SEC phalna la-in sawn theih an ni ang.
- 6) Vantlang hmunhma – Community Hall, Playground etc. te hi sawrkar lai Political Party chauh ni lo, Political Party dangte pawhin rualkhai takin an hmang tur a ni.
- 7) Sawrkar Guest House, Circuit House, Inspection Bungalow etc ahte hleih nei loin thlentir tur a ni.

III. THU THEHDARH

1. Political party-te leh Candidate tu pawhin, anmahni tantute chu, mi mal hmun emaw, in emaw, an ram hungna bang emawah reng reng ziaka an rem tihna la hmasa lo chuan flag te, thu zia te, hriattirna leh fak mawina thu zia te an tartir tur a ni lo.
2. District Magistrate, Sub-Divisional Magistrate emaw Executive Magistrate phalna la hmasa lo chuan eng Political party emaw Candidate-te'n vantlang hmunah engmah an tar tur a ni lo.
3. Election pamphlet emaw poster emawah a chhutu (Printer) leh a chhuahtu (Publisher) leh chhut zat (copy zat) chiang taka tar lan tur a ni. Hei hian a Chhutu leh Chhuahtute, an thu chhuah dan kalh leh ngaimawh tur awm theiah mawhpurhna an chunga bel theihna tur a ni.
4. Phalna pe theitu hnen atanga phalna lak hmasak a nih loh chuan Au rinna (Public address system) Political party emaw Candidate-te'n an hmang thei lo ang. Phalna hmanga au rinnate hi hman a nih pawhin Dar 6:00 Am - 10:00 Pm chhungah chauh hman tur a ni. Damdawi in, sakhaw hmun bul leh school bul hnaiah, bengchheng siam thei thilah au rinna hman a nih dawnin chumi bul hnaia awm damdawi in, sakhaw hmun leh School thuneitute rem tihna an la hmasa thin tur a ni a, chutiang hmuna bengchheng siam lo turin theih tawp an chhuah tur a ni ang.

IV. A HUHWA INTAWH KHAWMNA

1. Political party-te emaw Candidate-te'n mipui intawhkhawmna an buatsaih dawnin; dan leh thupek kenkawh dan tur leh motor chet vel dan tur an lo duan lawk theihna'n, a hmain District Magistrate emaw Sub-Divisional Magistrate emaw Executive Magistrate leh bialtu Police hotute, an intawh khawmna hmun leh hun tur an hriattir lawk tur a ni.
2. Political Party emaw Candidate-te'n intawh khawm an tumna hmun chu, chutiang tih khapna hmun a nih leh nih loh an chian hmasa tur a ni. Chutiang khapna hmun a lo nih chuan, District Magistrate emaw Sub-Divisional Magistrate emaw Executive Magistrate hnen atangin phalna an dil hmasa tur a ni.

3. Intawh khawmna hmunah buaina a chhuak a nih chuan anmahniin chin fel mai tum tur a ni lo a. Intawhkhawmna hmuna Police Duty-te chu hrih vat a, an tanpuina ngen tur a ni.

V. KAWNG ZAWH

1. Political Party emaw Candidate huaihawtin emaw Candidate puitu mi intel khawm tu pawhin kawng zawh an huaihawt dawnin, hma takin District Magistrate emaw Sub-Divisional Magistrate emaw Executive Magistrate leh bialtu Police Station an hriattir tur a ni.
2. Kawng zawh huaihawt anihin, kawngzawh huaihawttute chuan an zawh tan hun leh hmun, leh a tawpna hmun tura an ruat chu thuneitute an hriattir ang a, thuneitute remruatna a nih loh chuan an ti danglam tur a ni lo.
3. Kawng zawh an tumna hmun chu chutiang tih khapna a ni tur a ni lo. Thu neitute'n phalna an pek chauhin chutiang hmunah chuan an zawh thei ang a, Motor kal velna dan kaihnawih an zah tur a ni ang.
4. Motor kal vel ti buai lo zawngin kawng zawh tur a ni. Kawng zawh tur a lo thui viaua kawng intawh khawmna pal tlang ngai lai a awm a nih pheh chuan motor kal lai inhnawh khawmtir tur a ni lo.
5. Political Party pakhat aia tamin emaw Candidate pakhat aia tamte'n kawng thuhmunah emaw eng emaw laia kawng thuhmun zawh tur a awm chuan, intih buai palh awm thei leh motor kal vel tih buai lohna'n a huaihawttute an insiam rem hmasa tur a ni. Hetiang a lo awm dawn chuan bialtu Police hriattir hmasak a, an tanpuina ngen tur a ni ang.
6. Kawng zawh huaihawt a nihin, kawng zawhtute'n eng emaw hmanrua, mite tih natna'na hman theih lam chi reng reng an keng lo a ni tih a huaihawttute'n an chian hmasa tur a ni.
7. Political Party danga mite emaw an hotute lim (Effigies) nia ngaih theih leh thlak, vantlang hmuna vahpui leh hal emaw diriam taka sawisak khap tlat a ni.

VI. INTHLAN NI A TIH TUR LEH TIH LOH TUR

Political Party leh Candidate-te'n-

- 1) Vote nei zawng zawng te'n tih buai loh leh harsatna awm loa zalen taka vote an thlak theihna'n Inthlanna hnathawkte an thawhpui tur a ni.
- 2) An mite, eng emaw ti tura ruat bik an neih chuan an hming, party hming leh symbol chauh chuanna identity card emaw badge emaw an siamsak thei ang a, Polling Booth chhungah erawh chuan an tar emaw an bel emaw thei lo ang.
- 3) Vote thlak turte an serial number lehkha themtea an pe duh a nih pawhin lehkha varah chauh ziakin, symbol, candidate hming leh party hming chuang loin an pe thei ang.
- 4) Inthlanna hmun bul hnaiah anmahni tanpuitu mipui pun khawmtir phal a ni lo.
- 5) Inthlan ni a motor hman chungchangah khuahkhirhna awmte tha taka zawm tur a ni. Motor hman tura phalna lakah chuan langsar takin Permit tar tur a ni.
- 6) Zu leh ruih hlo lam chi reng reng sem khap tlat a ni.

VII. POLLING BOOTH LEH COUNTING HALL

Candidate, Election Agent, Polling Agent leh Voters tih chauh lo chu, State Election Commission emaw District Election Officer emaw Returning Officer emaw phalna lo chuan Polling booth-ah luh phal a ni lo.

Hetieng bawk hian vote chhiarna hmun Counting Hall-ah Candidate leh Counting Agent-te chauh lo chu State Election Commission emaw District Election Officer emaw Returning Officer in phalna a pe a nih si loh chuan an lut thei lo ang.

VIII. SAWRKARNA CHELHTU PARTY EMAW MI PAWIMAWH TE KHUAHKHIRHNA

Candidate emaw mi pawimawh Minister, Member of Parliament, Member of Legislative Assembly, Corporators & Councillors, Member of District Council, Member of Sinlung Hills Council leh Sawrkarna chelhtu Political Party-te'n an thu neihna hman kawngah an insum tur a ni a, hengte hi an ti tur a ni lo:-